


Awig Awig Desa Adat
BANJAR PEMPATAN
DESA PEMPATAN KECAMATAN RENDANG



KABUPATEN DAERAH TINGKAT II KARANGASEM

A W I G - A W I G
DESA ADAT BANJAR PEMPATAN

SARGA SIKI.

INDIK WAWIDANGAN DESA ADAT BANJAR PEMPATAN.

nos kaping siki.

1. Wawidangan Desa Adat kakuub antuk] (a). Banjar :
 - a. Banjar Pempatan.
2. Wewatesan Desa Adat Banjar Pempatan minekadi :
 - Penunggu kaler : Banjar Teges lan G. Lebah.
 - Sisi kangin : Tukad Bangka lan Tukad Batu.
 - Penunggu kelod : Desa Menanga.
 - Sisi kauh : Tukad Soka lan Banjar Kubakal.
3. Desa Adat Banjar Pempatan kepalih dados 3 (tigang) Tempek minekadi :
 1. Tempek Dangin Margi.
 2. Tempek Dauh Margi.
 3. Tempek Gunggung Soka.
4. Satunggil Keliang Desa/Keliang Banjar yan jagi pacang ngawentenang rerembayan ring i Kerama Desa Banjar, wanthah I Keliang nyepolang baosan ring pengemong Tempek, raris pengemong Tempek mepengarah ring I Kerama Desa/ Banjar sami satunggiling ngawentenang pesamuan ageng alit wiadin pekaryan.
5. Ritatkala ngawentenang pesamuan, kadulurin antuk banten cane.
6. Satunggiling pesamuan Desa sane ngamel Tanah ayahan Desa 50 (seket) ring rahina Purnama, Banjar Adat ring rahina Buda Wage.

SARGA KALIH.
INDIK LAN PAMIKUKUH.

aos kaping kalih.

Banjar Desa Adat puniki ngemanggehang dasar :

1. Pana Sila sekadi mungguh ring pemahbah Undang-Undang Dasar 1945.
2. Undang-Undang Dasar 1945.
3. Tri Hita Karana manut tatwaning Buana Agung lan Buana Alit.

aos kaping tiga.

Luir petitis Desa Adat Banjar Pempatan :

1. Mikukuh muah ngerajegang Sang Hyang Widhi-Wasa.
2. Ngutamayang tata prewertu Agama.
3. Ngerajegang kasukertan Desa Adat saha pawongan sekala niskala.

SARGA TIGA

INDIK PARIDABDAB

os kaping pat.

1. Pemilihan Keliang Desa miwah Keliang Banjar mejalaran suara murni sane rauh saking perarem Kerama saking mejalaran pawilangan suara.
2. Keliang Desa miwah Keliang Banjar ngemargiang swadarmannyane maka inganing limang warsa, wus punika dados malih kapilih.
3. Sadurunge rauh pewanengan, Keliang Desa miwah Keliang Banjar inucap ring ajeng, dados kagentosin yening :
 - a. Kapunggelan Yusa.
 - b. Pinunas ngeraga riantuk kakobetan.
 - c. Kerarianang antk I Kerama medasar santukan ngawentengan biota.
 - d. Ngentosin wiadin ngerarianang prajuru, mangda ring sajroning paruman tur kera-

remi antuk Kerama Desa/Banjar
pinih akidik 2/3 (kalih pah ti-
ga).

4. Sekeluwiring pemutus sane kemargiang ring Desa Adat/Banjar Pempatan manut pesuwara ring pesamuan Desa Adat/Banjar Pempatan manut kadi perarem.
5. Pesamuan Desa Adat/Banjar kewemtenang satunggil asasih api-san sakewanten yan tan sangkaning kapiambeng.
 - a. Pesamuan Desa Pengemong Tanah Ayahan Desa 50 (seket) ring rahina purnama.
 - b. Pesamuan Banjar Pempatan kelaksanayang ring rahina Buda Wage.
 - c. Yening wenten indik-indik sane siosan pacang kerembayang malih yadian indik dedadakan kelaksanayang ring Bale Banjar.
6. Satunggil Kerama madruwe hak suwara wantah asiki ring pesamuan, taler madrebe hak memilih wiadin keplih.
7. Ritatkala ngawemtenang pesamuan kantos reneng bebaose nenten puput, wenang ketunasang tetimbang ring **Bangbekel**.
8. Ritatkala ngewemtenang pesamuan, Kerama Desa Banjar manggeh suwaran gendongan. Ring sampune puput raris mebacak.
9. Ritatkala pesamuan sampun memargi, wenten Kerama sane nenten rauh tan mejalaran pastika, kanin denda geng harta Rp. 250.- (satak seket rupiah) ngeranjing ring Adat.
10. Ritatkala pesamuan kanton memargi, ugi wenten Kerama sane mekaon nenten ngewekasang ring Keliang, kanin denda geng harta Rp. 500.- (limang atus rupiah) ngeranjing ring Adat.
11. Malihyening wentan Kerama sane rauh mingtengahing pesamuan, kanin denda geng harta Rp. 125 (satus selai rupiah) kewastanin denda kasep. Dendan punika ngeranjing ke Adat.
12. Prajuru wiadin kasinoman yening sampun ring pesamuan, nenten kedadosang matingsah yadin mebaos sane kaon minekadi jadig, begug, sigug. Yening kantos ngemargiang kadi indike ring ajeng tan wenang nyarengin pesamuan punika saha kanin denda geng harta Rp. 5000.- (limang tali rupiah) ngeranjing ring Adat.

s kaping lima.

Indik pasuaran gendongan (kulkul).

1. Gendongan (kulkul) masuara nganutin Tribrata Sandhi :
Dharma, Sima, Laksana pasuka dukaan Desa Adat Banjar
Pempatan;

- a. Dharma : gendongan (kulkul) masuara nganutin upacara, upakara Agama.
- b. Sima : gendongan (kulkul) masuara nganutin dresta sane sampun kemanggehang.
- c. Laksana : gendongan (kulkul) masuara nganutin sawatek pekaryan sane kelaksanayang antuk Desa/Banjar Adat.

2. Suaran gendongan (kulkul) soang-soang inggih punika :

- a. Masuara atuludan banban cihna wenten pesamuan lan pekaryan.
- b. Masuara tiga-tiga-apisan bulus cihna wenten puhun.
- c. Masuara ngoncang atuludan bulus, cihna wenten bencana alam minekadi lindu, gunung meletus belabar ageng. Keramane mangda tragia ring angga soang-soang.
- d. Masuara kalih tuludan bulus, cihna wenten kemalingan, kebegalan, kebaak, raris keramane tedun mangda makta sangjata pentung.
- e. Masuara tigang tuludan bulus, cihna wenten amuk wiadin yuda, Keramane tan wenang makta sangjata sajawaning pituduh sang Angawerat.
- f. Masuara kalih-kalih banbab cihna patedunan Sekehe Teruna-Teruni.
- g. Masuara tiga-tiga cihna petedunan Sekeha gong.
- h. Masuara tiga-tiga ping lima banban wenten ke sedayan. Yening nenten rauh kanin denda geng harta Rp. 500.- (limang atus rupiah).
- i. Gendongan punika tan wenang katepak, yan tan sangkaning pituduh prajuru sajawaning wenten Panca Baya.

SSARGA PATPAT

INDIK PEKERAMAN ADAT

s kaping nem.

1. Kawentenan Kerama Banjar Adat Pempatan.
 - a. Sane sampun mawiwaha sesuenipun 3 (tigang sasih) saha magenah ring wawengkoning Desa/Banjar Pempatan.
 - b. Para Dura Desa sane sampun megeneh netep 3 (tigang) sasih saha manut sarat-sarat.
 - c. Sane patut kekenin pekraman, sane sampun bulu jangkep.
2. Padruen Desa Adat kadruenang olih I Desa Adat, padruen Banjar kadruenang antuk Banjar Adat.
3. Ritatkala ngawentenang pewangunan, I Kerama Desa Banjar Adat wenang kekeninin prebea manut kadi penelas.
4. I Kerama Desa Adat sane ngamel Tanah ayah 50 (seket) ngamong Pura Desa :
 - Pura Puseh
 - Bale Agung
 - Pura Suci
5. I Kerama Banjar Adat ngamong :
 - Pura Dalem
 - Meraja Pati
 - Melanting
 - Pura Beji
 - Bale Banjar
6. Ritatkala wenten Aci wiadin Pujawali, I Kerama Banjar/Desa Adat wenang ngawedalang peso-peson sane marupa atos wiadin bea penelas.
7. I Kerama Desa Banjar Adat patut ngemargiang ketreptian jagat.
8. I Kerama Desa Banjar Adat patut memelihara wewidangan wiadin kelestarian Adat lan lingkungan.
9. Meras anak angkat yening sampun keadungang ring semeton lan waris saha kesahang ring prajuru lan sang Angawarat, wawu kasinanggeh sah.

nos kaping pitu.

A. Indik Ayahan Nyada.

1. Kerama sane kesinanggeh nyade nenten kekeninin ayah-ayah, manut kadi perarem kerama.
2. Sane nyada tegesipun ketapuk ayahannyane antuk ~~KANG~~ ngewaris sane patut dados petajuh.
3. Sane nenten wenten petajuhnyane, ayahan inucap ketapuk antuk I Kerama.
4. Sane sampun kasinanggeh nyada, nenten kedadosang ngayah malih, yening murug keni denda geng harta Rp.500.- (limang atus rupiah) ngeranjing ke Adat.

B. Indik wusan mekrama Desa/Banjar Pempatan :

1. I Kerama kangkat wusan mekerama Adat, yening sampun mejalaran pastika, tur saha polih pemutus ring pesa-muan.
2. Yening wenten I Kerama sane matilar ke dura Desa tan sangkaning jalaran pastika, kaungkur matulak malih, tur saha nunas mangda mekerama tan presida keterima.
3. Yening mejalaran pastika, kaungkur mewali malih presida kangkat, sakemaon keni penanjung batu geng harta Rp. 100.000.- (satus tali rupiah). Sejawaning kerama sane kepitugancang ring sang Angawerat.
4. Yening sinalih tunggil wenten I Kerama kadi ring sor:
 - a. Tan tegep ring ayah-ayah.
 - b. Limpad ring pemargin awig-awig.
 - c. Nenten ngemargiang peswadarman Kerama.Wenang kewusang me Kerama.
5. Yening wenten Kerama sane pacang wusan mekerama Adat ring Desa/Banjar Pempatan nenten kepatutang malih madrebe hak pedrebean.
6. Yening wenten Kerama sane jagi melelungayan ke dura Desa suennyane 3 rahina wiadin lintang, wenang ngewekasang ring Keliang Banjar. Yening murug keni denda geng harta Rp.1000.- (siu rupiah) denda punika ngeranjing ke Adat.

C. Indik Tapukan.

1.
 - a. Prajuru.
 - b. Pemangku.
 - c. Perbekel miwah juru tulis.
2. Pemargin tapukan ring ajeng wantah nganin ring ayah-ayah komawon.

3. Kerama Adat sane kapiambang wiadin kebadelan, ketapuk ayahannyane antuk I Kerama.

SARGA LIMA

INDIK TANAH AYAH / DUWE DESA / LABA.

s kaping kutus.

1. Sane kemanggehang Tanah Ayahan desa Pempatan, inggih punika sane kawengku antuk Desa Adat Pempatan akwehnyane 50 (seket ayahan).
 2. Tanah Duwe Desa/ Laba punika keanggen luwiripun :
 - a. Bukti Prajuru.
 - b. Kesakap olih Kerama sane sampun polih persetujuan saking Kerama manut kadi perarem.
 3. Indik daging perjanjian penykap kadi ring sor :
 - a. Penykap nyukserahang pengupon-upon ketiba ring Desa Adat manut kadi perarem ring pesamaan satunggil 1. (a) warsa.
 - b. Yening wenten penykap punika tan anut kadi daging perjanjian ring ajeng, tanah sesakapan punika wenang kecabut saha ketiwakang ring salih tunggil Kerama manut perarem.
 - c. Yening wantah sampun anut kadi indike ring ajeng tan wenang kecabut turun temurun.
 4. Yening wenten Tanah Ayah mesanding ring tanah sane siosan, indik punika kawentenang rerebayan kadi ring sor:
 - a. Yening wenten pepayonan sane keanggeh baya miwah ngerusak pedruwen anak tiyosan, patut sane nuwenang pepayonan punika mangda ngebah wiadin ngaonang.
 - b. Yening sane nuwenang pepayonan punika memengkung, wenang kerampas tur saha ngeranjing ring Adat.
- s kaping sia.
5. Yening wenten melaisang/pengoperan Tanah ayahan Desa :
 - a. Kepatut ngerereh persetujuan manut perarem raris ngerereh surat-surat ring sang Amawerat.
 - b. Saha ngempon ayahan Desa.
 - c. Kekeninin marupa harta apah satus pewilangan harga pelaisan. Ngeranjing ring Adat.
 - d. Kekaryanang pipil ayahan Desa.

- e. Tan kedadosang melaisang Tanah Ayahan Desa ke dura Desa.
6. Tanah Ayahan Desa punika manggeh keni ayah-ayahan sane keanutin saking dresta kuna, yan perade cedok ring ayah-ayah presida Tanah Ayahan punika kecabut tur saha katiwakang ring sang Kerama sane anut, manut kadi perarem ring pesamuan.
 7. Indik Tanah Ayah kangkat keanggen jaminan hutang ring Bank, yening sampun manut perarem Kerama.

SARGA ENEM

INDIK PEWIWAHAN / PEWARANGAN

s kaping dasa.

1. Uger-uger yusa sane pacang ngemargiang pewiwahan
 - Sane Lanang 20 Th (kalih dasa) Tahun Masehi.
 - Sane Wadu 18 Th (pelekutus) Tahun Masehi.
2. pawiwahan sane mewasta sah, inggih punika sane sampun maupakara biya kala, mabiya kaon manut pidabdab Agama.
3. Ring sajeroning pengerorodan, sane ngerorod wenten wakil sane mepejati.
4. Ring sajeroning pengerorodan, patut ngelapur ring Keliang Banjar lan Keliang Adat. Yening murug kanin denda geng harta Rp. 500,- (limang atus rupiah) ngeranjing ke Adat.
5. Keliang Banjar raris ngerembayang ritatkala wenten pesamuan.
6. Sane ngerorod patut ring pesangidan secutetipun 3 (tigang) rahina, nenten dados ke margi ageng. Yening murug kanin denda geng harta Rp. 2500.- (kalih tali limang atus rupiah). ngeranjing ke Adat.
7. Tan kepatutang ngeranjing wiadin ngayah ring sajeroning Pura, sadurung puput mabeya kaon, yaning murug kanin denda geng harta Rp. 2500.- (kalih tali limang atus rupiah) ngeranjing ring Adat.
8. Sang ngerorod wenang ngerereh surat pawiwahan ring sang Angawarat sasuenyane 3 (tigang) sasih saking rahina pengerorodan, yan murug setunggil 3 (tigang) sasih sadurung meduwe surat pawiwahan punika kanin denda geng harta Rp. 5000.- (limang tali rupiah), ngeranjing ring Adat.

SARGA PITU
INDIK KELAYA SEKARAN.

as kaping solas.

1. Sinalih tunggil yening wenten warga Kerama sane seda, sang madrue kesedaan wenang ngelapur ring Keliang Banjar kalih Keliang Desa Adat. Yan murub kanin denda geng harta Rp.2500.- (kalih tali limang atus rupiah) ngeranjing ring Adat.
2. Wus nerima lapuran Keliang Banjar raris nyuwarayang gondongan.
3. Kerama Adat ngemedalin jinah pesukadukaan kadi ring sor:
 - a. Sane sampun nganggen pepaga Rp.500.- (limang atus rupiah) soang-soang kerama.
 - b. Sane durung nganggen pepaga Rp.250.- (satak seket rupiah) soang-soang kerama.
Jinah pasukadukaan puniki keatur antuk Keliang Banjar Yening murub kanin denda Rp 1000,- (siu rupiah) ngeranjing ring Adat.
4. Jinah pasuka dukaan punika katiwakang ring sang madrue kasedaan.
5. Indik pemargi mendem sawa, tan kedadosang ritatkala:
 - prewani.
 - Purnama.
 - Tilem.
 - Semut sedulur.
 - Kala gotongan.
 - Dina kejepit.Indik parindikan puniki, kanugrahang wiadin wak saking pengulu. Yan wenten murub, kanin denda geng harta Rp. 60.000.- (nem dasa tali rupiah) ngeranjing ring Adat.
6. Pemargi selanturipun mangda mewasta puput manut kadi Sima Dresta Desa Adat Pempatan, nunas nugraha ring pengulu.
7. Yening wenten sane seda salah pati, ulah pati, ngadut manik, indik upacarannyane wenang nunas nugraha ring pengulu. Yening murub kanin denda geng harta Rp.5000.- (limang tali rupiah) ngeranjing Ring Adat.
8. Yening wenten tamiyu saking dura Desa sane seda ring wawidangan Desa Adat Pempatan tur kapendem ring setra druen Adat Pempatan , Sang madrue kepatutan kanin penanjung batu geng harta Rp.100.000.- (satus tali rupiah) ngeranjing ring Adat.
9. Gumentos

9. Gumentos sawa sane kaupakara punika durung merupa puput, Keramane patut ngelaksanayang pegebag pesukadukaan.
10. Yoning kantos rebat indik paos kaping solas nomer 8. 9. sadurung wicara punika puput, wenang I Kerma Adat nunasang ring sang Amawerat.

SARGA KUTUS
INDIK ATIWA - TIWA.

s kaping roras.

1. Sane kebaos pengabenan inggih punika mewasta Pitra Yadnya pengabenan beya tanem. Tanwenang ngeseng sawa ring sajeroning wawidangan Desa Adat Pempatan. Yening wenten murub kanin denda geng harta Rp. 50.000.- (seket tali rupiah) ngeranjing ring Adat.
2. Indik pamarin ipun kadi ring sor :
 - Piuning ring pura-pura.
 - Ngeplugin.
 - Pahayun jagat wus pemitra yadnyaan.Indike ring ajeng patut ngawekasang ring pengulu. Yening murub kanin denda geng harta Rp. 10.000.- (dasa tali rupiah) ngeranjing ring Adat.
3. Indik Dewasa ngaben mangda nganutin Wara Nugraha saking Keliang Adat wiadin pengulu.
4. Pengabenan sane keni patus ritatkala ngawentenang atiwa-tiwa, wantah sane sajeroning wawidangan Adat Pempatan.
5. Akeh patus sane kawedalang ring Kerama soang-soang :
 - Beras 2 (kalih) catu.
 - Gesing 1 (asiki).
 - Kereb palpalan 5 (limang bidang).
 - Kelapa 1 (asiki).
 - Jinah Rp. 500.- (limang atus rupiah).
6. Indik matur piuning ring kahyangan tiga polih galah sasuenipun 7 (pitung) rahina saking ngawit pitra Yadnya.
7. Indik upacara ngoopin pesuka dukaan polih wantah ping 3 (tiga) sedurung nunas ngelinggihang sang kekaryanin. Yan murub kanin denda geng harta Rp. 250.- (satak seket rupiah) apisan, ngeranjing ring Adat.

8. Pidabdab pemargin bade/wadah ke Setra, keenter antuk keliang Banjar lan prajuru tan pisan dados ngerusak wadah luir petulangan miwah ngarap sawa, saha memargi dabdab. Yening wenten murub kanin denda geng harta Rp.10.000.- (dasa tali rupiah) ngeranjing ke Adat.
9. Indik pasuguh sane tiyosan manut desa, kala, patra.

SARGA SIA

INDIK MANUSA YADNYA.

os kaping telulas.

1. Manusa yadnya inggih punika upakara darmaning manusa ngawit saking petemuning ikama petak kelawan ikama bang kantos pejah riwekas.
2. Upekara kading ajeng medudonan kadi ring sor.
 - a. Wawu embas.
 - b. Lepas wedel.
 - c. Roras rahina.
 - d. Asasih pitung rahina.
 - e. Tigang sasih.
 - f. Aweton/ potong rambut.
 - g. Mepandes.
 - h. Pawiwahan.
 - i. Pawintenan.

os kaping pat belas.

1.

SARGA DASA

INDIK BUTA YADNYA.

os kaping pat belas.

1. Buta yadnya inggih punika upakara/upacara banten pabeya kalaan wiadin pelaban ring sarwa prani kemargiahga kadi ring sor :
 - a. Ingon-ingon - Tumpek Uye.
 - b. Sarwa weletik - Tumpek Wariga.
 - c. Gamelan
Senjata
Wesi - Tumpek Landep.
2. Upakara banten pebeyakalaan ring Sanghyang Ibu pertiwi muah ring pura-pura, sanggah lan babutan, kewastanin mecaru nista, madia, utama, kadi ring sor :

nista,,madia, utama kadi ring sor

- a. Ekasata.
- b. Panca sata.
- c. Panca sanak.
- d. Resi gana.
- e. Tawur agung.
- f. Saluwiring kedumanggalaan.

3. Sajawaning kadi ring ajeng patut kawentenang upakara lu-
iro :

- a. Mejotan (nyaberan wus meratengan).
- b. Masegeh manut genah muah rerahinan.
- c. Mesapuh-sapuh manut wiguna.

4. Penanggluk merana tetep kemanggehang tunggil 1.(a)
Warsa luwire :

- a. Ring Pura Dalem.
- b. Ring Wates-wates Desa Pempata.
- c. Ring pah tigaan antuk banteng sane nenten cacad.
- d. Ring pahtigaan antuk panca sata.

aos kaping limolas.

1. Ngewarsa setunggil Tilem nuju sasih Kesanga, ketah kebaos ngerupuk, I Kerama tedun makta obor wiadin kulkul manut ring nugrahan Keliang Banjar, pacang nyaluk rahina Penyepian. Yening wenten murub Kanin denda geng harta Rp. 500.- (limang atus rupiah) ngeranjing ring Adat.

2. Upacara ring rahina Nyepi (sipeng) nganutin peberatan kadi ring sor :

- a. Amati geni.
- b. Amati karya tan kalugra mekarya.
- c. Amati lampah tan kalugra melelungayan
- d. Amati lelanguan tan kelugra meoneng-oneng lan mesuara gora.

3. Benjang penyepian lintang, kewastanin ngembak geni, mewasta ngelukar yoga semadi, kadulurin antuk idep nunas dirgahayu, kelaksanayang olih soang-soang Kerama, pinaka ngawit iꦒaka warsa.

4. Prajuru wiadin sane sampun kapitugesang ring sang Amawarat, ngemargiang pengelanglang ring wawidangan jagat Pempatan, yening wenten sane murub kadi pemargine ring ajeng kanin denda geng harta Rp. 2500.- (kalih tali limang atus rupiah) ngeranjing ring Adat. Sejawaning sane keni pakeweh dadakan.

SARGA SOLAS.
INDIK DEWA YADNYA MWAH PAIDERAN WALI.

os kaping nembelas.

1. Pelinggih sewidangin Desa Banjar Pempatan luwiripun:
 - a. Pura Puseh.
 - b. Bale Agung.
 - c. Pura Dalem.
 - d. Pura Suci.
 - e. Pura Melanting.
 - f. Pura Prajapati.
 - g. Pura Beji.
 - h. Paibon-paibon Dadia.

2. Pujawali soang-soang kadi ring sor :
 - a. Sasih Kapat Kajeng Umanis : Mapag ring Beji.
 - b. Sasih Kapat Purnama : Piodalan ring P.Pu-
seh.
 - c. Sasih Kenem : Mecaru nangluk merana.
 - d. Sasih Kepitu : Mecaru ring Dalem, Pu-
seh lan Bale Banjar.
 - e. Sasih Kepitu Purnama : Nyungsung ring P.Beji. ^{SUC}
 - f. Sasih Kepitu : Usaba Dalem ring P.
Dalem.
 - g. Sasih Kesanga Tilem : Tawur ngesanga.
 - h. Sasih Kesanga : N y e p i.
 - i. Sasih Kedasa : Piodalan ring P. Puseh.
 - j. Sasih Kedasa Purnama : Usaba emping ring P.
Puseh.
 - k. Sasih Dyesta : Mungkah ring jabayan P.
Puseh.
 - l. Buda Wage Klau : Piodalan ring P. Dalem.
 - m. Buda Wage Klau : Piodalan ring Prajapati.
 - n. Buda Wage Klau : Piodalan ring Melanting.
 - o. Tumpek Landep : Piodalan Gong.
 - d. Saraswati : Piodalan Awig-Awig
lan Pratasti, Buku dru-
wen Desa Banjar.

3. Indik pujawali ring Paibon kasukserahang ring sane ngamong soang-soang.

SARGA RORAS
INDIK KETREPTIAN

s kaping pitulas.

1. Indik Margi.

Sane kesinanggeh margi manut kadi Awig-awig puniki

a. Margi Ageng.

b. Margi Alit.

Manut kadi ring gambar tanah sane sampun ketetepang antuk I Kerama.

2. Yening riwekas wenten kepentingan margi, Tanah ayah sane keanggen margi punika wenang keserahang ke Adat, yan watah sampun manut kadi perarem Kerama Adat.

3. Yening wenten sinalih tunggil sane ngempet mari kadi bause ring ajeng, wiadin ngenahang swatek ala ring margi, wenang mecikang margi inucap saha kanin denda geng harta Rp.2500.- (kalih tali limang atus rupiah), ngeranjing ring Adat.

- 4..Indik sukat margi kadi ring sor :

a. Margi Ageng sukat ipun 9m (sia meter).

b. Margi Alit sukat ipun 1.1/2m.(ameter tengah).

5. Soang-soang Kerama wenang maduwe margi saha wates-wates nyane. Indik puniki keputusang olih Prajuru.

PAINDIKAN WEWALUNGAN

6. I Kerama Adat Pempatan sane miara wewalungan wenang kengenahang ring kandang soang-soang.
7. Yening wenten wewalungan sane kelumbar saha ngerusak druwen anak tiyos, kanin denda Rp.2500 (kalih tali limang atus rupiah)sewiji,tur saha ngewaliang manut kadi penghargaan sane krusak.Dedendan puniki ngeranjing ring Adat.
8. Yening wenten sane angala baya wewalungan anak tiyos,wenang ngewaliang manut kadi penghargaan katiba ring sang medruwe kealabaya,wenang kanin denda Rp.2500.-(kalih tali limang atus rupiah).dedendan puniki ngeranjing ring Adat.
9. Yening wenten wewalungan tan sangkaning kelumbar saha ngerusak druwen anak tiyos,wenang sang

9. Yening wenten wewalungan tan sangkaning kelumbar saha ngerusak druwen anak tiyos, wenang sane maduwe wewalungan puniki ngewaliang kadi penghargaan sane rusak tur saha kanin denda geng harta Rp.500.- (limang atus rupiah) kang senunggal ngeranjing ring Adat.
10. Indik-indik puniki ring ajeng kaputusan olih Prajuru.

PARINDIKAN SANE TIYOS-TIYOS.

11. I Kerama sane pedek tangkil ke Pura patut ngangge busana Adat.
12. Prajuru Adat minekadi Keliang Pemangku, mangda wenten ring sajeroning Upacara/Wali saking ngawit ngawiwitang Upacara/Wali sajawaning kapiambang.
13. Ritatkala muspa mangda trepti. Pidabdab puniki kedabdab antuk Prajuru.
14. Yening wenten anak tiyos yadiastun mebusana Nasional, kangkat ngeranjing ke Pura, sakemaon mangda nganggen selempot/kampung saha ngewekasang ring Prajuru.

PARINDIKAN DURA CARA

15. Sapesiraugi sane mekarya dura cara ritatkala wenten upacara yadnya, wenang ngewaliang manut kadi penelas yadnya punika, saha ngupa ayu jagat, selanturipun kanin denda geng harta Rp.50.000.- (seket tali rupiah) ngeranjing ring Adat. Indik puniki manut kadi pituduh pengulu.
16. Sapesiraugi sane janten ngamuk ring jagate puniki kantos angala baya anak tiyos, wenang kanin denda geng harta Rp. 50.000.- (seket tali rupiah) ngeranjing ring Adat.
17. Sapesiraugi sane memandung, kanin denda apah dasaan ring pewilangan harga sane kepondung, saha ngewaliyang ring sang madruwe tegap kadi pewilangan harga sane kepondung. Dedendan puniki ngeranjing ring Adat.
18. Sapesiraugi sane memunyah kantos ngewetuang biyota, kanin denda geng harta Rp. 10.000.- (dasa tali rupiah, ngeranjing ring Adat.
19. Sapesira ngenika prusiya meajeng ring Awig-awig, Prajuru, anak akweh wiadin anak tiyos kanin denda geng harta Rp. 10.000.- (dasa tali rupiah) ngeranjing ring Adat

20. Sapesiraugi sane ngemargiang logika sanggraha ngerabinin wong rabi kanin denda geng harta 57.000. (seket pitu tali keteng jinah bolong). Dedendan punika ngemargiang kadi kadi ring sor :
- Apah tigaan ngeranjing ring Adat.
 - Apah tigaan ngeranjing ring Prajuru.
 - Apah tigaan ngeranjing ring sang madruw wirang.
21. Sapesiraugi sane iwang tingkah meajong ring rabin anak tiyos kanin denda geng harta Rp.25.000.- (selai tali rupiah) ngeranjing ring Adat.
22. Sapesiraugi sane ngemargiang logika sanggraha ngantos ngawinang anak bobot wenang kemargiang kadi ring sor:
- a. Sang ngemargiang logika sanggraha punika kawekasang ring prajuru, yening sami-sami lumaku kanin denda geng harta Rp. 10.000.- (dasa tali rupiah) selantur ipun keputus olih Adat.
 - b. Yening kadi indike ring ajeng tan lumaku, wenang kawekasang ring sang Amawerat, saha kanin denda geng harta Rp.20.000.- (kalih dasa tali rupiah).
 - c. Dedendan indike kadi ring ajeng sami ngeranjing ring Adat.

PARINDIKAN LINGKUNGAN PENDIDIKAN
KEBUDAYAAN.

3. Sapesiraugi sane nulis wiadin ngambar ring margi-margi, Pura-pura, tembok-tembok druwen umum yadian druwen anak tiyosan sane nenten wenten pikenohipun kanin denda geng harta Rp.500.- (limang atus rupiah) ngeranjing ring Adat.
4. Sapesiraugi sane ngerusak totanduran anak tiyos minaka di ring sor :
- a. Tanem tuwuh kanin denda geng harta Rp.2500.- (kalih tali limang atus rupiah).
 - b. Taneman masa kanin denda geng harta Rp.1500.- (siu limang atus rupiah apisan).
 - d.

- d. Dedendan indike ring ajeng sami ngeranjing ring Adat.
- 25. Sapesiraugi sane nentan ngeranjingang wiadin nguwusang oka wiadin sane kakuub antuk I Kerama tan mejalaran pas-tika ring sajeroning :
 - a. Sekeha Teruna-teruni
 - b. Sekeha-sekeha ring kesenian lan kebudaya-an wiadin sane siosan ring Adat wenang kanin denda geng harta Rp 2500.- (kalih tali limang atus rupiah) ngeranjing ring adat.
- 26. Sapesiraugi sane nentan ngeranjingang oka wiadin kekuub nyane sane sampun manut uger-uger ring SD.(Sekolah Da-sar). kanin denda geng harta (kalih tali limang atus rupiah) ngeranjing ring Adat.
- 27. Sapesiraugi sane ngemargiang Agamia, wenang ngupa ayu jagat. Paindakan puniki manut pituduh sang Amawerat.

SARGA TELULAS

PAWUWUH

os kaping pelekutus.

- 1. Yening wenten indik-indik sane nentan presida kapuput antuk Awi-awig puniki, pacang ketunasang nugraha pemu-tus ring Sang Amawarat.
- 2. Indik-indik pawilangan penghargaan dedendan kalih wewi-lingen penyakap duwe Desa wiadain Laba, jagi keparu-mang setunggil a warsa.

SARGA PATBELAS

INDIK AWIG - AWIG SANE NENTEN
KESURAT

os kaping siangolas.

- 1. Adat istiadat sane sampun memargi ring Desa Adat Pempatan, yadiastu durung kesurat ring awig-awig puniki kantung ke-manggehang, yening adat istiadat inucap nentan metungkas ring awig-awig puniki wiadin ring Undang-undang Negara.
- 2. Perade wenten jaga pacang ngentosin wiadin ngawewehin a-wig-awig puniki indik puniki kasukserahang ring paruman Ageng Desa Adat miwah Banjar Pempatan sane keraremin pi-nih akidik kalih pah tigaan Kerama.

3. Awig-awig puniki memargi saking ngawit kesiyarang antuk
Keliang Desa Adat Pempatan ring rahina ;

-
-
-

MENGETAHUI:
KEPALA DESA PEMPATAN
(I MEGAH OSEK)

KELIANG DESA ADAT PEMPATAN.
(I WAYAN MEGENG)

#####BD#####